

m a n s kind³ gerichte, begriffen vnd gevangen wrde, ienrenthalp dem Galmist⁸ in walgöwe, den sol man och ienrent den nechsten acht tagen gen Bludentz in das gericht mir obgenanten Graf albrechten² ald / minen erben, oder minen amptlüt, ob wirs vorderent, antwrten öch ane alle geuerde. Wo och ain schädlicher man vber den ich Graue albrecht² oder mine erben nit ze gebietend habent, vnd vns er nit were In walgöwe, oder in Mvntafvn gevangen wrde. den sol mân och Grauen / Hartmans kinden³ iren erben, oder ir amptman, inir nechst gericht antwrten och ane geuerde. Ez ist och berett vmb die Silberer in thalau⁷, alle die zü dem Berkwerke gehörent ald. berkwerke pflegent ane die Grauen Hartmans kinde³ oder iro erben eigen sint / swäs, die vnder enander, ze klagent hant, ald gen anderen Silberern, die mich vorgeannten Grauen Albrecht², oder min erben Angehörent vnd vnder vns sitzend, die sont ze gerichte gan vber die egge⁹ vor minem vnd miner erben gerichte vnd amptmann, der denne do zegerichte / sitzet vnd was si da verschuldent mit dem rechten als do ertailt wirt, da sont si die vorgeannten Grauen Hartmans kinde³, noch iro erben noch iro amptlüt nit irren noch douor schirmen, won si vber die Egge⁹ in das gericht gehörent. Ez were danne, daz der vorgeannten Berkman / dehainer die zethalau⁷ sitzent an ainem anderen denn gen sinem genossen schuld ald fräueli verschulte, der sol es besseren dem gerichte, in dem es beschicht. Ez ist och berett vmbe Gelaite, welcher Erber man ald wer er ist edel vnedel ald. kouffman der min obgenandem / Grauen albrechtz², oder in miner erben vestinen koment ez sie gen Rinegg, ald gen Bludentz. mit kouffmanschaft ald ane kouffmanschaft und gelaite, mütend, die sol vnd mag ich. min erben vns er amptlüt, ald vns er botten von vns ern wegen, si vn den vorgeannten / zwain vestinen von ainer ze der ander belaiten, vnd nit füro, do es Grauen. Hartmans kinde³, oder ir erben gelaite berüret. Ich vorgeanter Graue. albrecht². min erben vnd min botten sünd vnd mugent öch rittend vnd gende lüt, es sigent Raisig lüt koufflüt ald ander / Lüt, die kouffmanschaft. denne ze mal nit mit inen fürtin, ane alle geuerde belaiten von werdenberg¹⁰ gen Bludentz vnd von Bludentz gen werdenberg¹⁰, ob si es mütend. Wir sullent öch vnd mugent, alle kouffmanschaft belaiten von werdenberg¹⁰ vntz an das / var am Rin, daz zü wer-